

常昭合志稿卷第三

水道志

橋梁附見

敘曰吾邑水道西受江陰無錫之委南承長洲元和之流每遇上游霖雨波瀾東注迅疾如箭即城濠間亦或驟漲數尺然則吾邑水道非第為一邑漑田疇通舟楫而已實亦旁郡縣所藉以宣洩而紓水患者也所係顧不重乎縣境地勢西北高而東南下故平川巨浸大率多在東南約而舉之其瀦蓄者曰湖曰蕩其通流者曰塘曰涇其濱江而吐納潮汐者曰浦曰港今別其支派尋其脈絡條分而著於篇而橋梁亦附見焉為水道志

按邑中水道當湖瀦枯渴亦或西壩江湖

常昭合志稿

卷三

水道

一

盛漲亦或南洋但水性以東流入海為順水勢以北泄入江為利故志中敘水非溯源於西即衍派於南至若支流小港則隨宜附敘不拘此例

江

江水自江陰縣東流至界溪口循常熟縣北境逕烏沙港口新莊港口黃泗浦口鹿苑港口奚浦口小陳大陳浦口西洋塘口鱧魚港口福山港口西小涇東小涇口耿涇口又歷昭文縣北境清洋港口海洋涇口許浦口徐六涇口高浦口白茆港口鐺脚浦口抵太倉州北境

常熟沿江舊有二十四浦其名詳於水利志者已多涇廢今據現稱之名著之紀其實也自徐六涇以東江門愈哆與海

交會波瀾浩瀚不見厓岸自昔遂以海稱之實則水色黃濁
距海猶遠惟江船之自淮揚來者與夫江魚之市則多在鹿
苑福山海舶之自登萊來者與夫海鮮之市則多集白茆許
浦帆檣林立各依其族此則儼如以江海爲分界者矣

湖

尚湖在常熟縣西南四里長十五里廣九里亦曰西湖

盧鎮琴川志舊經曰上湖昔人以虞山橫列於北亦稱照山

湖而相沿多稱尚湖據中吳紀聞以爲太公尚嘗釣於此故

名尚父湖然於古無徵疑係附會矣

鴻文案單學傳鈞濟小志云范賀常熟志遺據

陸琪也名記謂山海經基山有鳥名鴈鴈此湖古多此鳥故名不知山滄經本作鴈鴈故郭注借鴈憊急急性以釋之鴈字

常昭合志稿

卷三

水道

乃刊本鴈字之誤范說不足據

昆承湖在常熟縣東南五里南北長十四五里東西廣七八里

亦曰東湖一名隱湖

越絕書昆湖周七十六頃一畝或曰昆湖在崑山北承湖在

崑山西北本二湖合爲一焉明一統志湖與尚湖相對俗謂

之八字湖按昆尚兩湖翕受江陰無錫蘇州之水惟元和塘

隔其間昔遇潦漲之年亦會相聯爲一瀰漫不可辨矣

琴川 山塘涇 運河 內城濠 外城濠

琴川源出虞山東南麓石梅澗南流爲焦尾溪有迴龍橋廣義

橋 舊名米 跨其上南達山塘涇其分流於縣治前後東入於運

栖橋

河者橫港七條若琴絃然故曰琴川

述異記梧桐園在吳宮本吳王夫差舊園也一名鳴琴川吳郡志引之省鳴字曰琴川舊志據此以為吾邑名琴川之緣起盧鎮琴川志有娘子涇在縣治前循縣治而西折而北又西過慧日寺又北沿虞山之趾貫絡邑中以泄山水之暴自兵火後居民侵塞由寺以西僅存一溝其東過縣而屬運塘者亦皆為浮棚不復通舟嘉定元年三月令葉凱謂涇之循縣而西者皆居民覆屋其上未易開浚縣橋以東猶可疏導遂捐公贏募夫浚治不日通流東徹運渠西南水濶公私便之或曰此即小洋子涇謔為娘子耳但據桑志小洋子為第

常昭合志稿

卷三

水道

三

七絃則又不合其發源焦尾溪之琴川鮑廉琴川志始著其地謂西受山水東注運河或謂是宋嘉熙初今王倫所增諱然葉令已云縣西未易開而王令在三十年後乃能增開七條亦可疑也桑志始析其條謂第一在縣南學士橋下俗呼跨塘

橋亦名信義宋治熙十年縣令曾榮重建改名琴川曹緯撰訓明永樂十五年令傅良玉重修金幼孜記宏治間李傑建坊於此改今名曹緯記曰琴川東吳之望邑也東吳澤國千涇萬瀆悠然逝隕然止而皆瀦於三江浮於震澤縈帶而下至琴川分為五浦而後入於海其經絡於閭閻之間旁注而側出者乃其一也舊有橋曰跨塘凡非謂朝廷之命令接勞西川之賓客摩肩總轡僮僕於達路者莫不出焉葵籥綿稔雨墮滂豎來往患之邑人欲更為石梁久矣治熙癸卯邑大夫曾公為政之明年也歲物豐成閭里康阜縉紳父老台詞以請公曰眾之所欲苟憚其勞是委民寄於草莽也其可乎然役鉅費夥非號召能集要當以身先乃出公帑之餘為之倡於是遠近士民靡不咸勸協議畢力克伸僦功故

材不賦而羨工不發而多曾不踰時迄奏成績公謂是橋之
新也玉虹蜿蜒直縣數百步實西南取道之首一境阡陌之
會名其可以不稱而乃以邑之地名之曰琴川自公改築善
珉結址盤固而高廣有加也登焉引覽則千里在目晨霏夕
靄春穠秋瘳征帆欵見飛鳥明滅瓌奇萬態聞見層出騷人
高士過之心景宜會則停驂嘯傲躡步微吟江山之樂自適
於意之表雖簪纓之風臺月榭仙釋之紆巖綠
壑兼得之也真所謂處喧囂而接遐曠者歟

第二在鎮橋

下第三在縣橋下第四在慧日寺前第五在黃柏橋下

在市心街

北第六在倉浜橋下第七在小洋子橋下而龔志又岐其說

謂第五在市曹橋下

在沈家橋西舊有市司故名

第六在黃柏橋下第七

在靈公殿前然市曹橋舊傳在慧日寺之南靈公殿前之橋
不見於舊志故人多從桑說年代久遠川流湮塞今僅存斷
續溝形惟第一絃尙通舟楫亦至文星橋東即南折而別爲

常昭合志稿

卷二

水道

四

通南關之水道其穿文星橋而西者至南經堂而止矣

鴻文案琴

川之始雖不可考然定在宋以前可見宋時縣治即今縣治
基址則片謂宋時縣城尙距山六里諸說不待辨而可知其
謬矣又按慶仙橋下亦有水道適當余所居宅下同治間因
修倉房取土見尙有馭岸河形然舊志均不載其在七絃之
數與否不可知以愚意度之古人因形似命名自以七條皆
屬於焦尾溪乃合琴樣必不遠取靈公殿以北之水以充其
數故龔志亦有第七絃在靈公殿前之說竊謂跨塘橋下水
當是運河經流東接顯聖橋北之運河南出翼京水關接元
和塘元和塘亦名運河塘也琴川第一絃當指慶仙橋下之
水與學後之玉帶河通向來繪圖者皆指玉帶河爲第一絃
可證新橋下爲第二絃市曹橋下爲第三絃縣橋下爲第四
絃慧日寺前香花橋下爲第五絃六七兩絃亦當在靈公殿
以南前五條河形具在非鑿空臆說也附述於此以質諸邑之君子

山塘涇西接山前塘山阜成水關入東流有倉橋青龍橋興隆

橋龔志名虹橋龔志名金李橋范公橋橋洞有石刻皇宋紹定辛卯中和節曾府知縣

位一力重建 跨其上折而南有黃板橋等三小木橋跨其上是

爲西涇南合於內濠其由范公橋東流草橋 元至正間建橋洞有萬歷庚子河西

陳太守重 跨其上至八字橋亦折而南望仙橋 此橋與慶仙橋迎仙橋異仙橋

舊志以爲並因徐神翁學仙得名天順七年邑人 跨其上合於

顧仲傑建光緒二十七年麗鴻文楊崇光重修

琴川弟一絃 三志補記疑西涇爲舊城濠鑿空之說不足置辨

山塘涇今水至金李橋即不通舟更東并不能資灌溉非雨

潦連朝涓流並絕矣 鴻文案舊志敘山塘涇如此察度地形西涇與迴龍橋下水用值今雨後陶家

巷地下水流漲澗其聲甚洪知河形猶在似卽焦尾溪南通城濠之流山塘涇當至此而止其東則爲琴川弟二絃而望仙橋下之河橫貫七絃之中河家橋孩兒橋河身猶隱約可指非至八字而止也但不審舊係何名耳

運河北自鎮海門入有孝義橋盛家橋倉橋 在順民倉北明通宏治十年修

常昭合志稿 卷三 水道 五

江橋 舊名通泰宋紹興間錢氏新之少卿陳揆易名廣惠俗呼通江橋今沿用之相傳海船舊至此地 瞿橋 明

治間知縣楊子器重修琴川志 醋庫橋 亦名文學橋在子游巷口宋慶歷五年錄事夏

秀建明洪武初里人陳貞重修嘉靖三十九年圯知縣黃嘉賓重修開其左右而中爲亭以休行者橋有黃士毅銘其辭曰曾

鄒而降道爲絕學千五百年起濼續洛寥寥闕派久幾復絕再起滄洲教修日揭無極二五在人一源故不同他時生聖賢矣

通上國公卽遊魯胡爲歷世莫踵公武蹟亦味吁方肇祠是用作記意嚴灑譏嗟余小子世閩產吳敢誦所自滄洲之徒登

橋而思刻銘誌記期我同心如水游至能 新橋 朱驥 迎恩橋 宋

令後學本末易明僞行不作腫公自今 中靖國元年道士李則正建明宏治九年知縣楊子器修嘉靖

六年知縣胡鳳易木以不十四年知縣沈宏彝重修橋有楊儀銘其辭曰嘉靖六年冬黃梅胡侯厚以進士出令常熟甫期歲

教化既洽百姓趨令迺維邑中有大橋曰迎恩肇建自宋建中

靖四年十月十五日乾元宮道士李則正以木石雕爲之至今四百六十年矣欄楯崩壞梁柱朽折侯順民志用揮厥功易木以石以己丑孟春聚材三閱月而畢工縣丞洪君文祿君

暉手簿李君琮劉君繼實贊其成吏部進士楊儀居依橋空代

而銘曰琴水東注其源出虞長流有截備受其趨利涉國中黔黎所須侯德光亨維遠是圖析堅合異易以朽枯坦兮洞兮輻輳通瀾湯湯收海盈於江湖維若德教萬民以孚以小著大其在茲乎

至顯星橋

宋慶元三年縣令孫應時建舊傳星墜港中化為石故名旁有涇日落星港明嚴激有重修顯星橋記其

文曰海虞之為邑也山自西北逶迤而來邑治承之而水從東南數道迎滙故高門懸箔莫東南為盛而徒杠輿梁亦莫東南為要其在文廟之左角且東西而橋者曰顯星歲久且圯居民郭應祥錢餘等謀之宰官錫圓陳公於是錫圓為倡眾遂爭先趨事會縣令耿侯聞之捐俸助役而眾益奮經始自丙午之陽月迨嘉平而橋成上則肩摩輿馬下則鱗次舟航而於文廟治之勢增壯觀焉應祥等以隸屬之道澈嚴激氏是歲改并築郡邑之橋數十處悉為維新蓋有感於是役之善而勉力從事非空言也

會琴川諸水東通迎春水關西通翼京水關

舊闊二丈五尺長四百一十八丈雍正四年分常熟置昭文縣糾畧以此河為界西屬常熟東屬昭文

常熟舊為產米之區東倉近旁鎮海門故此水得運河之名

常昭合志稿

卷二

水道

今自水關南至通江橋尚通舟向南淤矣

內城濠西起阜城水關南流過朱雀橋折而東西涇自北來會過小石橋至翼京水關止琴川第一絃水自北來會又北起寶湯門南流有青禾稼橋現龍橋顧家橋倉橋萬壽橋郁家橋廣濟橋跨其上抵迎春水關折而西至翼京門東止

常熟西北跨山故城濠不能周而今惟阜成至翼京迎春至寶湯內濠通舟楫然西濠以小石橋低僅通小艇以運供爨之柴薪肥田之灰糞而已

外城濠西起阜成門外東是水關西是殿橋南流折而東為天字號

以魚鱗田冊此地為天字第一號也

分支西南出名太平港通尚湖東過水

仙廟前有西高木橋跨之元和塘自南來會東經翼京水關有

驄馬橋因馮玘居此故名跨之又東北有東高木橋跨之分支東南出

通黃涇塘又分支東南出通白茆塘折而北經迎春水關有阜

安橋明宣德間縣丞李子廉建本名富安成化間令甘澤修改今名范安撰記跨之北行分支東出

為顏港龍志名言港有顏港橋跨之東抵八干橋有石隄詳坊巷志東南通華漚又北行經賓湯水

關分支東出通梅李塘又北有行春橋元至正間建俗呼弔橋跨之折向

西北經鎮海水關有弔橋跨之分支北出通福山塘又西為菱

蕩西經鎮江門亦有弔橋跨之西南抵山麓止

外城濠較長於內城濠以包過鎮海鎮江兩門也自翼京門

至賓湯門沿濠屢肆鱗次舟航填咽涉冬新穀上市兼之佃

常昭合志稿 卷二 水道 七

農納租尤易阻塞往往竟日不得通行

鹽鐵塘 長壽塘 大空塘 大大涇 洋塘 嚴舍涇 赤沙塘 陳涇 外界涇

鹽鐵塘起江陰縣境由洞瀆涇入常熟界貫烏沙港新莊港鹿

苑港奚浦港其東則塘身為大小陳浦所沖失土人重開易名

長壽塘東過福山原塘又見東貫耿涇 以上其長六十里入昭文界 北

為清洋港屈而南 北出為海大空塘自何村由西南來合 北通先生橋亦合海

洋南過梅里鎮 梅里塘珍門廟沈家市董浜 有塘橫貫西是長毫東是貴涇稱南

嚴舍涇由元支塘鎮 白茆塘橫貫之分為橫涇塘再南赤沙塘涇自東來會

毛漕通之陳涇南起橫塘有祁漕外界涇自東北來會抵窯鎮

入太倉州界 此塘復經嘉定直抵黃浦其長三百餘里

塘相傳為吳王濞運鹽鐵所開沿江之地舊有土埂一條名

為塆身別有海壩一條西起慶安東至鐘脚鋪接太倉界兩

邑境共長九千一百三十二丈舊志云乾隆二十年

建築以禦潮汛蓋所以禦江湖衝突藉之蓄清拒渾郊宜水利書所

謂掘斷塆身致水亂行者是也塘自江陰東來緊貼塆身過

耿涇乃折而南今耿涇以西塘形大半無存矣此塘東北通

海之口自海洋塘外舊又有中沙塘南通千步涇千步涇鵝城港

倭港千步涇之南有溢上塘東通送塘又通高仙涇南通鹵

簿涇亦名羅木涇人梅李塘與千步涇通者有甘涇有劉港涇來台嚴

塘其通鹽鐵塘者有銀塘月河塘與鶯涇通大六涇珍門涇

辛涇東季塘陸巷塘丫塘嚴洞涇長樂涇蔡涇雙橋涇凡此

諸水繪圖者不能纖悉具矣

沿鹽鐵塘陸路之橋自耿涇以東有耿涇橋六港橋清洋橋

孫家橋唐坊橋市有余巷橋抵趙市又有羅墓墩橋奚家橋跨

坐塘由此西南達張四壩橋湯家浜橋王家橋抵梅里鎮

董浜市沿鹽鐵塘至支塘陸路有長亭橋跨長亭黃梅塘橋

江孟橋言志作江門云嚴沙橋言志作嚴舍云陶公橋言志

洪武間建長橋跨白抵支塘鎮又東南有長浜橋陸渡橋香花橋

陳涇橋王涇橋抵窑鎮又東南有吳涇橋通太倉界

福山塘跨塘白龍港 九湖塘 中涇 花板塘 方

福山塘起鎮海門外壽帶橋北流東出一支為孝塘貫過順民

橋明宏治郡巡按御史佶鍾建李文安公居此俗呼李家橋去縣四里白龍港自西來會又北則

九湖塘自西來會九湖塘西通小義橋北接中涇有港口分支水自白渡橋來合又北有支流由竺塘東通

福山塘再北即蓬景市又北行花板塘起梅李塘虹橋街貫耿涇方浜亦東通耿涇來會此

以南西屬常熟東屬昭文過謝家橋抵蕭家橋竺塘之水自西來會北有長

壽塘自西注之逕福山鎮過舊閘在黃泥灣康熙四十八年建由港入於江

福山塘沙泥易淤舟多乘潮行當大汛時常灌及城濠也春

末夏初鱗魚入市福山為早鱗才出網味尤腴美殆可奴命

松鱸鱸至城邑則少遜矣自稱老饕者往往朵頤而往果腹

而返潮則盛於仲秋俗以十八日為潮生日好事者亦於是

日登福山觀濤謂不減曲江枚筆也然時有盛衰不能必遇

常昭合志稿

卷三

水道

九

奇景矣虞山十八景有覆釜觀潮福山亦名覆釜山也按江湖由海入江逆流而上

故東西遲早不同邑沿江之地以福山為適中其一日早晚

兩潮之候每月初一十六並寅申初平初二十七並寅申正

平初三十八並寅申末平初四十九並卯酉初平初五二十

並卯酉末平初六廿一並辰戌初平初七廿二並辰戌正平

初八廿三並辰戌末平初九廿四並巳亥初平初十廿五並

巳亥正平十一廿六並子午初平十二廿七並子午正平十

三廿八並子午末平十四廿九並丑未初平十五三十並丑

未正平大抵來三時去三時如寅申初平則巳亥初以後為

潮上之時也去之時稍有餘而內地之潮常後於海口約差

一刻至十刻許每月初二初三初四及十七十八十九此六日謂之大汛海口水痕增高四五尺漸入漸減至末流僅尺許矣而沙之墊積此處尤劇以潮水僅能送之使人不能挾之使歸也初五二十以後潮痕日縮謂之小汛漲不過二三尺遺者竟不至矣若嚴冬沍寒名凍殺潮往往不至是以潮河各鄉運米上倉極爲勞苦潮汛冬最小春夏漸盛秋爲極盛七八月間稻開花荳生莢木棉結子風潮一至無所不敗土人尤所畏忌凡南風西風潮至不盛東風稍盛北風大盛西北次之東北風最盛謂之風潮潮水上田可一二十里非惟田禾悉被淹沒廬舍亦有漂去者土人謂之潮漫幸不常

常昭合志稿

卷二

水道

遇耳與福山塘通者別有壽陽塘扈城涇矮堯浜通哮塘者有焦莊涇吳家浜通方浜者有瞿舍浜

跨福山塘之橋自壽帶橋以北有彭家橋陳涇橋毛家橋又

小毛家橋新橋謝家橋有市鎮柵橋則近福山矣其沿東岸官塘大

道則有和尙橋北港浜橋李家橋有市郎家橋九里橋小橋同

涇橋永安橋在謝家橋鎮心涇浜橋蕭家橋龍尖嘴橋接官亭橋

柴橋過跨塘橋沿西岸行過河抵福山鎮鎮西北有金鳳橋

東北有馬橋跨福山港口港西岸有江家橋東岸有吳營橋跨

白龍港者有馬塘橋棟花橋來黃橋三石橋洋龍橋在鄒家市

跨九澗塘者有蔡家橋周墅橋唐家橋九澗橋朱家城橋葛

市橋 在葛市元

跨竺塘者有徐家橋陳家橋河澤橋白渡

橋旺莊橋富民橋

橫塘 接善塘 新莊塘 三丈浦 東山塘

橫塘之水

其名橫者以橫互於黃泗浦奚浦之南也

西北則由江陰界西唐市葛蒲

浜入常熟境西南則由闌干橋來會

由闌干橋分一支南流為鷺山塘入嚴塘

合流

而東為接善塘

北出為新莊塘達新莊港出江又一支北出抵慶安鎮達黃泗浦出江

達三丈浦

北出十河潭橋為北段三丈浦通鹿苑鎮鹿苑港出江

過塘橋鎮

東北出通黃家橋市為奚浦口出江

屈而

南有蕭家橋太平橋朱章橋河陽橋跨其上

自塘橋至此為西三丈浦南受

有東山塘由鷺山塘逕張市來會

張市之北有蔡舍塘舊通三丈浦今止能至蔡舍

過

界涇橋達港口出禁關橋合於浪澄港

界涇橋北分一支北流至田莊鎮有金村之水

常昭合志稿

卷三

水道

七

自東來會北行是為奚浦近港口又分一支東達白渡橋合於中涇

三丈浦為潮沙所積頻年旋濬旋淤橫塘左右亦為所滯非

大湖汎不能行舟也昔黃泗浦奚浦並為出江大口故自界

涇橋以北通塘橋一水或統名黃泗浦港田莊一水或統名

奚浦港橫塘之東又有北橫塘東橫塘

東橫塘附近又有長蟻鴨圍諸塘

橫塘之南有漩河潭李棣塘

近奚浦通河涇南接景市塘

自福山港以西

嚴塘以北塘河多潮水所及地形高亢岸高一二丈內塘又

少天時畧旱田稻即無從灌溉皆成瘠薄之區佃農納租每

畝大率多五六斗近年尤貧乏即豐稔亦不能如額若遇暗

歉之年業戶仰奉征輸即無餘粒蓋緣水利失脩故爾

跨橫塘之橋自闌干橋以東有種田橋張道橋堂郭橋李巷

橋河潭橋柵橋塘橋

計三道在塘橋鎮

蕭家橋太平橋積善橋朱章

橋河陽橋界涇橋禁關橋

跨三丈浦之橋起自港口橋以

北即十河潭橋

有陶新橋張萬橋吳家橋洪濟橋鹿苑大橋

在鹿苑鎮

抵鹿苑港 跨奚浦之橋有大平橋五福橋通濟橋洪家浜

橋以上三道任田莊鎮

壽山橋義橋橫塘橋潘家橋新橋安橋

西南為黃家灣

有燕家橋黃家橋市有

奚浦橋抵奚浦港

塘橋鎮北出有夾溝橋

上相堂橋抵鹿苑南出有楊園橋陳家橋抵張市

嚴塘

鷺塘 水北塘 陶黃浜

讓塘

浪澄港

泄水塘 潘山塘 白龍港

山塘

嚴塘起江陰縣由界墩入常熟境鷺山塘自北來會

入鷺山塘者有水北

常昭合志稿

卷二

水道

七

東流

三里許

過嚴塘莊

四里許

抵西徐市

分支南出為陶黃浜亦匯於浪澄港

東過

興隆橋

四里

至讓塘橋

俗呼上塘橋明徐恪有記

別名讓塘

讓塘之南有徐塘余塘新塘龍駒塘

諸水土人謂之段裏河皆斷港也

常熟向無稅關雍正間許關權使創設水柵於港口

其柵故名禁關

也 大義橋小義橋竺塘涇諸處稽征往來之貨節節查驗舟

航留滯民苦勒索於是西鄉著望塘橋龐氏

文恪公五世祖諱鵬舉

田

莊楊氏

旌孝子岱之艾諱繼祖

等於雍正九年率同耆老詣邑令張嘉

論陳不便狀令白於巡撫尹公繼善尹公商之權使委員查

勘屬實乃撤腹地諸水柵而移設於嚴塘及橫塘邊界其土

產及糧食復許由縣給單過柵免稅民困乃紓焉

後嚴塘仍多勒索里

人辛生周誥訴之巡撫始獲釋除
粵匪亂後關章未復水柵久廢

讓塘東流至港口出西橋

北行進禁關橋通黃泗浦奚淵諸港

屈而南為浪澄港

讓塘為王邑令錢鳴教抗倭之地其遺蹟不可認矣但知寇舟由此東北趨奚浦遯入江耳塘澣舊有漁梁鄉徐侍郎恪故居也公性清儉予告後猶勵節操邑令楊子器高其品為建亭於塘上名曰廉讓而為文記之謂塘以泰伯名而亭以

公名云

浪澄港南流過萬豐橋

光緒二十八年邑人楊崇光楊同升同元等捐修

春暉橋 東出

通小大義橋

俗呼大墅橋明知縣鄭澹建

泄水塘自西來會

此塘亦由江陰入境為潘塘逕

北莊橋

白龍港自虞山之陰來會

東通福山塘

抵湖橋

明宏治十一年知縣楊子

常昭合志稿

卷三

水道

三

器建崇禎十一年邑人孫林修康熙間

邑人沈萬育重建計距城十二里 匯為山前塘

港口以南明漪絕底荇藻交橫游魚可數謚為浪澄洵唯虛

美

俗亦呼為田莊港附近禁關橋一帶出鱸魚四腮鮮未與松江產無異土人不識亦以蝦虎魚目之此水兼宜菹菜

有界涇橋秦氏之賦某曾種之厥味清腴以非土人所嗜故不恆有

湖橋左挹水光右涵山色

景尤奧曠為中秋賞月勝地

虞山十八景有湖橋串月

昔大癡道人醉卧

石梁日投酒缶即此是矣至錢志謂月未升而橋門冰輪先

涌言志謂月在水底而仰視則無蓋月為橋所掩又或謂虞

山峰切月光注射橋下則各見其所見而不必作如是觀也

相近有錢花港因錢鳴教園居得名

山塘東流

通湖大口三

有拂水橋

俗呼三條橋

程家橋

明程尚書崇祠墓在焉俗呼程家橋

咸豐間重修殿橋跨其上自湖橋以東有落星港寶巖灣劉神浜石

並在塘北東抵阜成水關合於城濠

山塘十里邑人每云於舟中迤邐看山狀凡九變殿橋之南

有大小湖田則漁家所聚也十八景有湖田烟雨每當祈年社集龍舟

競渡三月二十日則會於阜成水關四月二日則會於湖田

大壩城鄉士女放棹往觀畫舫彩旗容與竟日迨燈火熒煌

而後返或曰豐亨景象或曰習俗侈靡何者為定評未敢決

也獨是附近村農盪一葉舟載果餌梭行喚賣藉以助衣食

資者夥矣若遇風雨敗興亦羣引為大戚爾

跨巖塘之橋自李家橋江陰有文星橋在西徐市今無與隆橋跨讓

常昭合志稿

卷二

水道

西

塘自讓塘橋外有東橋西橋在港口鎮

西徐市南出陸路有柳陌西橋俗呼欄楊家橋余塘橋成墩

橋抵大墅橋北出陸路有牛潭橋居塘橋抵西張市港

口北出陸路有貨到橋從前海船運貨到此故名今馬家橋

抵田莊鎮南出陸路有邱家橋和尙橋蔡家橋抵大墅橋

鎮大墅橋東出陸路有前壩橋人和橋興福橋王定橋洗

馬橋報慈橋抵鎮江門

官祿塘王莊塘王存河官蕩冶塘陳塘羅墩

官祿塘起顧山南流東逕雙墩東南過北泉橋抵大河市王莊

塘亦名大河塘自王莊東流會王存河王存河亦名席家浜亦抵大

河市合流入官蕩

關里許長二三里

治塘自南來會東出張墓橋

明嘉靖開

副使范來賢建崇禎中邑人孫林修乾隆間里人重建

入於尙湖王存塘之南有陳塘水

亦自江陰來東流貫王存河抵翁家莊分流為治塘又東行羅

墩塘自南來會亦入於尙湖

通羅墩塘者有顧家港

尙湖之西在常熟境為平區河汊較西北鄉為多有潼莊角

河在大河塘北東抵曹家壩有石甯浜東北入大河塘有石

塘自石甯浜南抵葫蘆墩有道林河東南入練塘有雙涇山

王存河東入道林河有鳳凰河接王存河北抵沙堰河

亦名橫塘

相近又有徐家橋浜丁家港

跨官祿塘之橋有北泉橋張墓橋

治塘有治塘橋

在治塘市謝

常昭合志稿

卷三

水道

家橋 陳塘有王家橋 羅墩塘有羅墩橋 王莊塘有王

莊橋

在王莊市

王莊東出陞路有祥里橋顧家橋抵大河市

楊尖塘

苑山塘蕩 藕塘 師姑浜

嘉菱蕩 華蕩 練塘

六里塘 白

楊尖塘起楊尖市

上通陶魚橋東北流之水

東流

十里許北通練塘

屈而南抵陳埭

市苑山塘自西來會

苑山塘上接陶魚橋南流之水至苑山東屈而東北行抵陳埭其分流則南通釣渚

渡按苑山蕩釣渚渡亦名鳥嘴渡上音呼鳥如釣上聲也

嘉菱蕩水自南來會

嘉菱蕩承金匱境陸家蕩

苑山蕩宜家蕩之水由釣渚渡入常熟境東匯為蕩開三里長約四里

合流逕廟橋港出陳埭橋

入於華蕩陳埭之北通楊尖塘者為練塘東流過練塘市亦南

入於華蕩

練塘分支東北流者北為羅墩塘東為六里塘六里塘亦名仁塘過白蕩東入元和塘有二口北流入尙

湖口藕塘 日師姑浜

華蕩

縣南十五里濶六七里長十餘里

東合元和塘

榜尖地高亢屏水灌苗或疊三四龍骨車乃達於田其東南

則又屬水區矣與金匱長洲交界有苑山蕩謝埭蕩宣家蕩

白米蕩境內復有王巷蕩嘉菱蕩西南與王巷蕩相接互相吞吐而華

蕩為尤巨烟波浩渺不減兩湖近元和塘三四里荏蒲叢雜

舟行者有戒心焉水之入華蕩者有丫歡河通莊橋河山涇東村

河通翁家港近旺兒橋張潮河即平市港通橫塘周家港黃梅兩河花梨河由長洲來鬪龍河

廟橋港南通界涇

跨楊尖塘之橋自陶魚橋以東有鄧家橋前市橋木橋界涇

橋顧望橋香花橋以上二道在楊尖市又有二跨塘橋陳埭橋在陳康市跨練塘

之橋有吉家橋練塘橋在練塘市張公橋

常昭合志稿

卷二

水道

夫

元和塘單長涇陶蕩吳塔塘同港涇項涇潭蕩平市塘泥涇莫門塘匯同涇港

元和塘為自郡至邑之通津亦名州塘以元時為常熟州也後蘇郡長洲縣分為元和而此塘不

屬元和遂呼為運河塘郡人呼運河二字音與雲和無別故或書作雲和蓋附會於琴川之義耳舊志謂雲和為音譌殆未審

由長洲境新涇港界河新涇港東北通單長涇入常熟境北行過吳塔市

市南東出為單長涇通陶蕩市北東北出為吳塔塘東至簿河橋東為李王浜東南通新安塘同港涇自西來

會由長洲來過同港涇鎮又北有高家橋水自西來會亦由長洲來過高家橋近橋別有一

支北通北至張家甸東出一支至新莊通新安塘項涇自西來會項涇之水源於苑山

嘉菱諸蕩支流東行抵旺兒橋即黃泥橋東分為橫塘為北行

平市塘亦名張潮河其南達者即為項涇有塘通高家橋橫塘自西來會至二十里

東分為潭蕩東貫新安塘潭蕩西段鋪合於華蕩平市塘水由木排厘來會北涇泥涇橋之西有泥涇通

魏涇東合新安塘泥涇橋下相傳
有泉眼水甚甘冽多取以釀酒
又逕十里亭之西戴渡之東

六里塘 亦名仁塘 自西來會 東南分爲莫門塘達莫城鎮 北過永濟橋 康熙五十九年建邑

今陳守創有記橋 豐樂橋 舊志云通舊南倉明宣德間縣丞李

西南有港通向湖 涇洞港涇自西來合達於翼京門城濠 自入境至此計三十里

元和塘爲唐元和三年郡守李素所開故曰元和明萬曆中

楊忠烈漣爲邑令從城南至吳塔壘石爲隄以禦西水兼通

郡城驛騎公私利賴之後屢圯屢修經粵寇亂隄石之存者

寡矣每常盛潦西水下注拍岸盈隄於時來往行舟不得揚

帆迅駛若衝波激浪決壞田塍鄉民必糾衆攔截取其蓬苫

以塞潰口至有攘及艙板者蓋恃禾稻爲性命久成夙習非

常昭合志稿 卷三 水道 七

可勢禁遠方旅客所宜審慎焉凡舟自郡城來者遇日斜風

勁每泊吳塔度夜以避華蕩之險吳塔南有陶蕩三合爲一

其巨者東西三四里南北二三里蕩北有薄河東則爲落星

港入新安塘北則爲顧涇顧涇北爲尖涇亦入新安塘此鄉

產蟹而尤以潭蕩爲最 大潭蕩西起張家甸過新安塘通徐

時涇塘東抵蕭涇 潭蕩之北有高涇北通大港東橫涇黃墓涇及廟

涇廟涇通東西二張涇過東始莊爲分鄉涇 亦名戴家浜 與張港

涇並入新安塘其在華蕩以南自西來合元和塘者則有馬

涇潰涇北錢舍涇華蕩以北自西來合者則有呂墓涇 西有

洋蕩水 又斜橋塘 則由尙湖 有下斜橋一名照山橋計七

柔重建道光中錢廷

逕莫城有上斜橋入昆承湖大蕩東有殷莊港及徐涇塘亦並分元和

塘水以入昆承湖連登浜即練墩浜有橋名三里橋則東通黃涇矣

沿元和塘東岸有三里橋徐涇橋莫門塘橋馬涇橋附近西岸有姚

家橋周家橋泥涇橋師盧涇橋大潭蕩橋小潭蕩橋

新安塘蛇涇 時涇 周涇 沼涇 龍涇

新安塘其形最直故又名箭河來源本狹入常熟境後西水注之遂寬至十餘丈遇支港即東南趨七浦東趨昆承不

復北南起長洲縣界河即蛇涇也西通單長涇東入時涇中段分支北山貫潭蕩入昆承湖

者為周涇為沼涇為龍涇北逕新莊貫潭蕩過東始莊之東泥涇自西來會

北抵莫城莫門塘自西北來合而東流入昆承湖

潭蕩橫貫於新安塘凡新安塘以西潭蕩之支流已詳於元

常昭合志稿 卷三 水道 六

和塘條下矣新安以東自周涇沼涇龍涇外自潭蕩通昆承

湖者則有六十二涇呂涇時涇塘為六十二涇通前洪涇別有

後洪涇則西接分鄉涇東抵木杓涇及橫涇橫涇東抵呂涇下接羊浩涇東入

時涇別有橫塘西接夏黃渡東入時涇時涇南則有六行塘東則有下段涇

通青魚塘及宗家浜別有一橫涇南有泗涇山界河涇潭蕩來合通捨宅河

有捨宅庵故名又北通曹家浜新安塘之北段東南入昆承湖者又

有大陳涇諸水昆承湖之南夙號水鄉元和塘以東泄水之

道以潭蕩為最大此曾志所以總名為潭蕩八區也謂六十七

十八九及七十昔水利修時昆承湖之南開則有黃墓開股

莊開螺螄涇開以上皆沿元和塘潭塘開楊家開壩則有王段壩龍

蕩壩池家壩張港壩

以上皆沿元和塘

狄家壩趙鏘壩天井壩新莊

壩毛涇壩牛河壩軍裝壩諸名今大半不可考矣

跨新安塘之橋有新莊橋

在新莊

支流莫門塘有清洲橋紅皮

橋均在莫城鎮

東北抵元和塘

黃涇

新開洪

大洪

田家洪

尤涇

香界涇

山涇

語

烏涇

黃涇塘起迎春門城濠通河橋外東南流

西南有通昆承湖之口其東支河則有蕪

家洪白魚洪等名

抵七星橋新開洪西口

新開洪通白茆七星橋西南入昆承湖者有大洪川家洪

常昭循此分界

以下均常境

又南過八字橋逕捨宅河東口語廉涇

西口草蕩之水

在蕭涇上流亦通潭蕩南北半里東西里許多蕪蒲蘆葦昆承湖水自橫涇市分流南注之

常昭合志稿

卷三

水道

九

自西來合而南流

西有進寶涇北通畢澤畢澤西通蛇涇北通草蕩

至西湖涇口抵新

陽縣界

計長三十六里

黃涇支河有吳浦華涇諸條又通戈莊塘

有戈莊橋近昆承湖每歲春祈龍舟

競渡戈莊之社特盛

戈莊北有蝦妾岸新開洪通沈浜沈浜通漢涇

通黃

灌涇北入儒家浜儒家浜南入新涇

有廟涇亦入新涇

新涇南入

語廉涇

通西舍涇經北有鋪段圩語廉涇南有東涇南通觀在涇

語廉涇在東唐墅西有

聚龍橋紅橋

成化初建天啟間史氏重修亦名史家橋

跨之附近舊有馬驚湖廣

長各五里俗傳昔人洗馬於此忽驚躍足有物如帶繫繞解

之風雷火至物忽不見始知龍也故名湖今涇為田有庵猶

名馬驚

尤涇北起新開洪 黃涇中段 七星橋東 南流 東北分一支為香 涇鄆邱山

西 東分一支為山涇通蓮涇稍南又東分一支為張 涇通東山涇鄆邱山橋明宣德間巡撫周忱建 有永安橋

跨之 乾隆間建道光中易 南抵唐市 計七里 語廉涇自西來會 流

東出者為金莊 又南有湖涇橫貫之 湖涇西通黃涇東至顏家

涇東通南山涇 又南有烏涇貫之 烏涇東通深涇深涇北通湖 又南抵界

牌港新陽縣界東流抵石牌市入七浦

尤涇之東有西山涇 東過釣鮮閣 至五了耽 西山涇之南為舍浜涇西

灣入釣鮮濶又南有下澤浜涇白潭入釣鮮濶釣鮮濶 有開 嚴文

靖祖居鄆邱山下公幼時常垂釣於此 北接西山涇南入螞

蝗浜 此浜東入 黃姑浜 浜西有十字河涇白潭口入金莊涇有張四

常昭合志稿

卷三

水道

三

娘浜由金莊涇入東湖涇別有後湖涇則入唐洞涇 通楊家 浜及蘆

場 唐洞涇在南山涇之西

跨黃涇之橋有石谷廟橋八字橋支流新開洪有七星橋北

石橋 跨尤涇之橋有山塘嘴橋北新橋 在東唐市又有 中新橋南新橋

七浦塘 爛甲河 毛沙塘 鷺腸涇 南斜塘 山涇 連涇 丁家港 時家港 潘涇 吳塘

桐浜 張涇 馬 橫塘 轉河 王涇 沙塘 雙鳳涇 陸涇

七浦塘西起石牌灣 西常熟 爛甲河自北來會 爛甲河西北 東

行 南出一支為毛 沙塘入南斜塘 南山涇自北來注 稍東南分一支為 鷺腸涇入南斜塘 又東過

在陽市南橫塘自北來注 南分一支通吳 塘及丁家港 東行入太倉界 南斜 塘亦

起石牌市東行過鷺腸涇口東南行東出為丁家港南出 為時家港又東仍合流為潘涇東抵吳塘達太倉直塘界

自元和石塘坍塌而昆承湖盡受江陰無錫建甌東注之流
自鹽鐵塘塌身處處掘斷塌門久廢而昆承湖又盡受東高
鄉八千頃溝洫西瀉之水白茆一港旋濬旋淤往往不及宣
洩所賴七浦一塘為其尾閘得稍分汪洋之勢耳然遇潦年
則石牌任陽一帶形如釜底已難免蕩汨之虞矣故此處田
畝夙有九年三熟之謠與七浦通者又有倒插浜蒲塹涇在北
諸水

山涇者因鄔邱而名也總曰山涇而以西東南別之其源分自白茆塘由白茆新市

南出一支是為連涇南逕鄔邱山之東西山涇亦名鄔邱涇有梧桐浜入之

張涇自西來會南流為東山涇東分一支通南橫塘抵李市金莊涇自西

常昭合志稿 卷二 水道 三

來會東一支為馬沙塘又南為南山涇東出為雙鳳涇通南橫塘南入七浦此數山

涇即黃姑浜水之經流為常昭分界者也南山涇自李市起長一千七百丈

南山涇由五丫口過山前嘴涇永墩涇通後湖涇東湖涇永

墩涇由四丫口東通周涇周涇在黃姑浜南通黃姑浜者有葑涇其入

東山涇者有鹿涇鹿涇通鳳涇鳳涇通深涇

橫塘者總名橫塘而以東南別之其曰橫者白茆七浦皆東流而此則南北也其源亦分自白茆

塘在新市東數里南出一支為北橫塘南行有轉河斜貫之西通馬沙

馬沙塘達南山涇又南分數支東通鹽鐵塘為南橫塘有王涇斜貫之西通馬沙塘東通鹽鐵塘

鐵塘又南雙鳳涇自西來合東分一支為陸涇通鹽鐵塘入太倉界南入於七浦

橫塘東鄰鹽鐵北接白茆西納山涇南通七浦亦泄水要道

也自雙鳳沙頭諸鎮割隸太倉而邑東南隅水道遂止此矣

跨七浦塘之橋西自新陽界有水流橋藍家橋大橋任陽橋

在任陽市東抵太倉界 跨山涇之橋有石涇橋跨連涇口南橋忠義

橋惠綏橋永祥橋何家橋文星橋以上四道在李市馬沙塘橋鄒家

橋山涇橋臨七浦塘 跨橫塘之橋有橫塘橋臨七浦

沿七浦塘北岸陸路西南起石牌市有山涇橋跨南山涇口 周涇

橋螺螄涇橋西水溝橋船埠橋抵任陽市又東有東水溝橋

廟涇橋橫塘橋跨南橫塘口 直挺橋入太倉界 沿山涇東岸陸

路北起白茆新市有虎嘯橋烏五涇橋抵李市

白茆塘雉浦港南港 楊樹洪 鮎魚口 徐家洪 鄉界涇 橫塘 北港 湖漕 管段涇 六尺溝

常昭合志稿

卷三

水道

三

白茆塘起迎春門外城濠東南通河橋外東南流五里 涇五渠鎮

大橋明天啟中邑人瞿懋業用石重建 南有昆承湖港北有雉浦港通青墩塘 來會

又東行有楊樹洪南北貫之北通罍里村南通新開洪諸河 至鮎魚口北與青

墩長毫兩塘交會是名三丫港徐家洪自南來會由黃涇七星橋新開洪東

行過尤涇口會此 又東有鄉界涇自南來會南通尤涇 東抵白茆新市南出

為連涇通七浦 入昭文界稍東分支北行為元涇南出一支為橫塘通七浦 至支塘鎮貫鹽鐵

塘東北行貫李墓塘過南渡橋南港水自西北來橫塘水自南

來合流逕歸家市北港水自西北來合而東北流湖漕自東南

夾注湖漕西起支塘東北貫李墓塘橫塘分流注此其北出東為管段涇達錢涇鄰太倉界北抵六和市近鑑脚港矣

張市水自北來注合流至大閘過六尺溝抵東周市東北過舊

塘龍王廟沙營塘由白茆港口出海

港在縣東北七十里水道袤延約九十餘里

白茆港為江陰錫金長元吳各縣及本邑兩湖諸蕩之尾閘

其通塞利害所關甚巨自宋以來凡管水利者皆運苦心出

全力以治之近年猶議築塘建閘頻耗鉅費然迄未有經久

之策也

詳見水利志

支流之與白茆塘相近者有尤漕中洪韡脚

洪天打洪花八洪馬田洪硃砂洪直下洪毛家洪高家洪史

家洪周家洪支塔洪戴公涇李涇沈塔涇蕭涇

通黃涇

陸河港

前港

亦通黃涇

官莊匯

山涇之北

高全夾

在北涇東

花園浜古秋浜姚公浜

張先生浜鳳凰涇馬莊涇蔣涇

東西二涇

或徑通或旁達綺交脈

注歧中有歧源委不盡能確指也至北路又有高家港黃沙

常昭合志稿

卷三

水道

三

港

通吳市金涇吳澄涇涇亦名湖橙北連高浦港

白艾塘

亦北通金涇

亦與白茆斯通

跨白茆塘之橋自通河橋外有透戍戍橋

即廣嗣橋里人薛大猷重建

塔

基橋五渠大橋

在五渠鎮

沙浜橋尤造橋心橋

以上三道均近新市

東大橋

在新市

長橋東昇橋

均在支塘鎮

渡善橋岳廟橋南渡橋

近李墓塘口

北

渡橋

近歸家市

顧七房橋新造橋典當橋

在張市

舊閘橋

西有開址

太平

橋大馬橋抵海口

沿白茆塘北岸陸路西起迎春橋有楊家橋開口橋抵五渠

鎮又東有沙港橋北餉橋

跨鮑魚口

新涇橋

在白茆新市東

天凹橋張涇

浜橋雷涇橋顧秋浜橋張涇橋馬莊浜橋陳巷浜橋鳳凰涇

橋抵支塘鎮

東出支路沿湖漕北岸有馬家浜橋何家瀨橋梅桃浜橋石堰橋東蕭涇橋蔣家橋草菜涇橋

楊墳浜橋過岳陽橋沿橫
又北有周家浜橋李家浜橋郭家

橋必家浜橋李墓塘橋跨李墓塘支家灣橋北鄧橋過南新開沿

南岸行有陳河橋抵白茆口

青墩塘 長毫塘 貴涇塘

青墩塘起賓湯門外城濠東熙春橋本名迎春元至正間知州盧鎮建明成化間知縣鄧

琪蟄石重建改今名外三里與耿涇梅李兩塘同源有南三里橋跨之東南流過大悲橋南分

八白茆塘北分廟前塘通梅李塘逕石墩塘口及青墩鏡家倉湖口過崑里村

南分楊樹洪北分清水港抵蘇家尖三丫港與白茆塘及長毫塘交會

賓湯城濠東南有支河曰顏港東通華匯華匯周圍可十許

里澄波濟蕩西北望虞山疊翠如屏風景致佳又青墩塘北

常昭合志稿 卷三 水道 詩

梅李塘南積水之區曰菱場段近蘇家尖曰三寶段通清水港秋水盛

時亦渺然巨浸也

長亭塘自三丫港分白茆塘青墩塘之流東行北分洋塘至沈家市貫鹽鐵塘

通李墓塘南分元涇合於舍通白茆塘抵董浜市合於鹽鐵塘直貴涇塘之西口

長毫塘上有長毫廟其支河有何莊涇

貴涇塘起鹽鐵塘西與長毫塘東口遙接東北逕老徐市貫李

墓塘逕南港北港抵老吳市由高浦口上有高浦橋入海貴涇塘長二千四百

八十丈

貴涇塘上有貴涇橋在徐市鎮元延祐間邑人錢應炎重建繆巖

作碑記謂涇以貴名按圖經疑即古季涇也或以字近俚語

遂改焉然考舊志貴涇之外別有季涇但都圖相近是一是

二未可決矣

繆記見金石志

明成化間錢氏後裔昌重修此橋亦有

記文通貴涇者有舍浜站浜高浦之西通江舊有唐浦

有唐浦橋

通司馬涇

跨青墩塘之橋自大悲橋以東有鄧家橋心橋涇善橋抵蘇

家尖市

市北有賢莊橋跨大大涇南口又有萬豐橋跨三了港

跨長毫塘之橋有東

新橋

在蘇家尖市

積善橋長毫橋

臨鹽鐵塘

跨貴涇塘之橋有觀音

堂橋

在董浜市又有新橋中橋

雪溝橋仁里橋貴涇橋

在老徐市

永昌橋興隆

橋塚積橋東石橋

以上三道均在老吳市

沿青墩塘陸路有三里橋

在塘之南岸

石墩橋浦家浜橋口甘橋

常昭合志稿

卷二

水道

三

唐涇橋落水涇橋任家壩橋錢家倉橋錢河壩橋關善橋西

義橋抵畧里村市又東有東義橋雙涇橋泰安橋抵蘇家尖

市

以上均沿塘之北岸

沿長毫塘北岸陸路西起蘇家尖市有鳳涇

橋太平橋嚴家壩橋長壽橋大溲橋心涇橋橫涇橋王子橋

跨鹽鐵塘

抵董浜市

沿貴涇塘北岸陸路西南起董浜市

有藥師堂橋

採訪錄云跨市河疑此橋跨貴涇

黃泥浜橋黃家橋

採訪錄云跨市河疑

亦跨貴涇

廣福橋六官橋小雞浜橋抵老徐市

由老徐市至歸家市陸路行鍾大橋

大成橋王石谷橋尹家橋張河浜橋汶涇橋香花橋抵歸北

家市逕莫港橋東石橋南達北渡橋合於沿白茆塘陸路

過徐市橋

跨李墓塘

又東北有八字橋李家橋蘇家橋永濟橋抵

老吳市

由老吳市至東張市陸路有興隆橋五龍廟橋姚家橋西馬橋抵東張市又東南有東馬橋還龍橋南達

顧七房橋合於沿白茆塘陸路

梅李塘 李墓塘 橫瀝塘

梅李塘起賓湯門外城濠東熙春橋外三里南分為青墩塘北分為耿涇塘東

北流過九里橋廟前塘自南來合南通青墩塘虹橋浜有虹橋跨之自北

來合北通孝塘過清水塘橋清水港自南來合南通青墩塘及大六涇蘿卜涇

自北來合北通大空塘抵梅李鎮鹽鐵塘橫貫之涇許浦南口賀勝

橋宋紹興間李寶獻捷於此建橋志功因名折而入橋北行時莊涇自東來合西有

支河自問村來合西通海洋港問村亦名文村有御渡橋相傳以宋高宗過此得名又北抵彭

家橋由許浦口入海由賀勝橋至海口計長二千一百九十丈其自賀勝橋口東流

者近年即名李墓塘抵周涇口市大六涇自珍門廟貫鹽鐵塘來合大小

甯昭合志稿 卷三 水道 三

六涇亦通清水港至李墓塘西口亦折而北行以下即名徐大涇時莊涇自西

來合別出一支東通南港又東南貫自茆及湖漕名橫塘入太倉界北涇小吳市西周市之間

自田家壩之西折而北至馬橋鎮由徐六涇入海

梅李鎮有通海橋琴川志云許浦過梅李潮汐迅疾鎮橋之

下往往壞舟因開月河以殺水怒即此橋也月河塘通鹽鐵塘有

月河橋明參政王鼎更名紫薇更有永慶橋亦在梅李鎮通梅李塘者有

三墩浜筍村塘北至穆家浜蜃涇黃綠涇自南來寺涇亦在南有東西二涇通

清水港者有避湖涇跨清水港有東義橋跨避湖涇有西義橋通許浦者有浪夾

浜通徐六涇者有揚州涇徐六涇亦通江要道自陳蕩橋起至田家壩長五千九百九十一丈

許浦當南宋時港汊深闊可藏戰艦特置水軍寨於此今涇

塞已久無復昔年形勢惟魚鹽所聚尙爲江干繁盛市區耳

李墓塘上接梅李塘自周涇口市東南行逕老徐市貫貴涇抵

白茆塘岳廟計長二千九百丈通橫瀝塘

李墓以吳越戍將李開山葬於塘旁故名卜居者以墓字爲

嫌乃稱爲老徐市至前合耿橋復取音近改名里睦其支流

有黃尙塘

橫瀝塘有橋西起支塘鎮旁鹽鐵塘與白茆塘交會之處東南流

過何家市赤沙塘自西南來會通鹽鐵塘橫貫陳涇外界涇自西南

來合通窰鎮抵歸家莊貫進賢涇入太倉界

郊宜謂塌身東一塘徹松江者卽橫瀝也其支河有柘浜

常昭合志稿

卷三

水道

毛

跨梅李塘之橋自鎖澗橋以東有九里橋玉虹橋東塘橋新

橋喜雨橋在梅李鎮許浦南橋卽賀勝橋許浦橋白蕩橋彭家橋有市鎮

跨李墓塘之橋有浜橋東橋在周涇口市興隆橋寺前橋香弄橋

卽保安橋西板橋卽雙板橋徐市橋卽鳳塘橋明嘉靖間徐鳳塘建劉神廟橋新橋東

橋七房橋已圯以上均在老徐市李墓塘橋臨白茆塘跨橫瀝塘之橋有

湖漕橋高家橋岳陽橋周神廟橋在何家市管青橋東莊橋在歸家莊

唐家橋

沿梅李塘北岸陸路西起北塘三里橋跨耿涇有曹涇橋徐家

橋六里橋王莊橋油車橋昭莊涇橋菜花漣橋小興隆橋陳

涇橋大紅橋小紅橋烏漣橋羅卜涇橋方浜橋王泥涇橋寺

涇橋抵梅李鎮有習善橋又東有香花橋薛家橋錢唐涇橋
許浦橋小石橋西木橋西橋抵周涇口市 沿李墓塘北岸
陸路西北起周涇口市有石鄧橋嚴浜橋橫石橋紫奎橋雙
網塘橋香花橋抵老徐市 沿橫瀝塘南岸陸路西北起何
家市有北青石橋河房橋包家橋橫瀝橋東涇橋龔宣橋連
福橋抵歸家莊

耿涇 學塘 花板塘 方浜 東西小涇 清洋港 海

耿涇北省湯門外城濠東三里 與梅李青墩兩塘同 源有北三里橋跨之 北行 有扈 城涇

與福山 塘通 貫哮塘過金童廟橋又北過湯家橋 明宣德 東有花板 稍北分一 支北出分

塘自哮塘來西有方浜自福山塘來會流逕唐齋鎮

常昭合志稿 卷三 水道 美

為東西二小 涇口入江 屈而東北達王市由耿涇口出江 未至王市分一 支折而東通洋

涇涇者上哮與口同村來折而東北貫鹽鐵塘達唐坊 橋市分兩支西一支出清洋港東一支出海洋涇皆入江

耿涇之西江口舊有崔浦今淤塞矣方浜西半為常昭分界

餘則分於福山耿涇間陸地也通耿涇之支河有蘆荻涇朱

莊涇長連涇雁蕩涇潮涇野兒漕

跨耿涇之橋自北塘三里橋以北有金童廟橋游草塘橋新

塘口橋 有 狀龍橋 俗呼湯家 唐灣橋 在唐 灣鎮 唐家橋 萬壽橋 在 王

墅俗呼斗壇橋又有萬安橋俗呼混堂橋 永安橋俗呼薛家橋通福橋俗呼冷水橋 洪家橋周家橋 名

同安 橋 虎莊橋 俗呼前 大石橋 在陸 新橋抵海壩